



**Bible Châng Thlûr Bing Tûr:** *Genesis 17:7, RSV.*

**ṬHEN 1-NA: ZIRLÂI TLÂNGPUI THLÎRNA**

Nova ang bawk khân Pathian chuan Abrahamama pawh kha a bîk taka inlaichîna neihpuiah sâwmin, Nova nêna thu an thlun ang chiah kha thlunpui ve a duh thu a hrilh a. Amaherawhchu, Abrahamama nêna thu an thlun kal tlang hian mihring zawng zawng an nih loh pawhin, chhandam tûr zawngte nêna chhandamna thuthlung inngah tûr chu a siam dâwn a ni.

**ṬHEN 2-NA: ZIR ZÂUNA**

Genesis 15:7-ah hian Pathian chuan Abrahamama hnênah ama nihna puangin, *mi mal Pathian Yahweha* a nih thu a hrilh a. Pathianin meuhin *Abrahamama mi mal Pathian* nia a insawi a ni a, chuti a nih chuan eng tin nge Abrahamama khân a nun kâihruaitu chu Pathian a ni lo tih a rin theih ang?

**Yahweha leh Abrahamama thuthlung**

Hê thuthlung hian ama mi mal thilte âia Pathian rorêl dân a dah chungnun zâwkzia a nemnghet a. Abrahamama hian ama mi mal thil ringawt ngaihtuah ta se, engtin nge he thuthlungin a ken tel hamthate hi a dawn theih ang? A dawng thei lo, keini pawhin kan dawng thei bîk chuang lo bawk ang. Abrahamama chanchin hi kan zir chho zêl ang a, Abrahamama thuthlung hi thil

ṭha tihṭirtu rinnaa innghat a ni tih kan hre Chiang deuh deuh dâwn a ni. Chutiang chu keimahni-ah pawh a ni ve ngei tûr a ni ang.

### **'El-Shaddai**

'*El-Shaddai* tih hi Genesis 17:1, 2-ah lo lang hmasa berin chutah chuan Abrahamama nêna inzawma hman a ni a. Heta Pathian tih sawina thumal chu '*El* tih niin— '*El-Shaddai* tih pawh "Pathian Engkimitheia" tia lehlin ṭhin a ni.

Hê ṭawngkam hi i han chip zui lawk teh ang. '*El* tih thumal hi *Elohim* tih nêna inzawm niin ("A ṭirin *Elohim*-in lei leh vâ a siam a, Pathian chu thil eng kim hria, thil eng kim ti thei leh khawi kipah pawh awm vek a nih thu sawina a ni. He Pathian nihna, *Elohim* hi Genesis bu-a thil siam chanchinah pawh kan hmu tuan parh a. '*El* tih thumal hi "Pathian" tiin vawi zahnih vêl lehlin a ni a, chu pawh chu Pathian thiltihtheihzia sawina bawk a ni. *Shaddai* tih awmzia pawh hi "hnute" tihna niin, chu chuan mi dangte mamawh petu, mi dangte châwmtu leh lungâwina petu tih a kâwk. '*El* tih thumal nêna a inzawm chuan "thiltithei tak leh chak tak, mi dangte mamawh pe theitu leh châwm theitu" a ni tih a lantîr.

### **Abrama aṭangin Abrahamama**

Genesis 17:3–5-ah chuan Abrama ni ṭhîn kha Abrahamama tia a hming thlâk a nih tâk thu kan hmu a, hei hian Pathian nêna an inlaichînna a lo danglam tâk dân tilangin, a hmâ âia thûk zâwk leh ropui zâwkin an inzawm ta tih min hrilh. "Abrama kha Pathianin an hming a thlâksak mi eng emaw zât zînga a hmasa ber a ni a. Hmân lâi mite kha chuan hming hi an ngâi pawimawh ṭhîn hle a. Sema thlah hnam hrang hrangte chu an hmingin awmzia nei vek niin, a putu nu leh pate duhzâwng emaw, an lâwmna emaw sawi chhuahna a ni tlângpui. Chutianga hming an ngaih pawimawh êm avâng chuan Pathian pawhin an thil lo tawn tawh emaw, la tawn tûr emaw nêna inrem ṭirin mi tu tute emaw hming a thlâksak ṭhîn. Abrama tih awmzia chu 'châwisâna awm pa'

tihna niin, he hming hi Bible hmun dang khawiah mah hmuh tûr a awm lo va; mahse, Abirama tih chu awmin chumi awmzia chu ‘ka pa chu châwisânin a awm’ tihna a ni (Num. 16:1; 1 Lalte 16:34 en ang che).”—*The SDA Bible Commentary*, vol. 1, p. 321.

### **Thuthlung chhâwng hrang hrangte**

“Pathianin Abraham a thuthlung a siampui kha chhâwng thum a ni a. A hmasa ber chu Genesis 12:1–3-a kan hmuh hi niin a pahnihna chu Genesis 15:1–21-a kan hmuh hi a ni a, a pathumna chu Genesis 17:1–14-a kan hmuh hi a ni. Gerhard M. Haseland Michael G. Hasel, *The Promise: God’s Everlasting Covenant*, p. 34.

Deuteronomi 10:16-ah chuan he thuthlung hi serhtanna hmanga entîr a ni a. “Chuvângin in thinlung hmâwr vun tan ula, tihmawh tawh suh u.”—*The Interlinear Hebrew-Greek-English Bible*, vol. 1, p. 489. (*Deut. 10:16 en rawh.*)

*Serhtan* tih ðawngkam hi Hebrai ðawng, *mool* tih lehlinna a ni a, a awmzia chu mipa serh hmâwr, an pian aţanga ni riat nî-a taksak tihna a ni. Chutiang chuan, number 8 hian thlarau lamah chuan bulţan thar lehna, Yahweha thlarau lam nun thar neih lehna tih a kâwk a. Israel-te chuan an khawvêl thil ngaihtuahna thinlung hmâwr vun chu tan chhumin Yahweha lakah an rinawm tlat tawh tûr a ni. Tichuan, hmâsâng Israel-te khân Yahweh nêna an inlaichînna din thar leh theihna remchâng baw pelh lo tûra sâwmna an dawng tihna a nih chu.

### **Thutlungin a phûtte**

“LALPA kawng a zawh theih nân a hnu-a a fate leh a chhûngte, thil fel taka ti tûr leh rorêl anga ti tûra thu a pêk theihna tûrin ani chu ka ruat tawh si a; chutichuan, a chungchâng thu a sawia chu LALPAN Abraham a chung a thlentîr theihna tûrin.”—*The Interlinear Hebrew-Greek English Bible*, vol. 1, p. 40. (*Gen. 18:19 en la.*)

Hê thu mâwina êm êm chhan chu, ring lotuin thil tih theih miah lo nia a ngaih hlen chhuak tûra ‘El Shaddaia huaisenna a tilang hi a ni. Pathian chuan Abrahamama kha a fapa Isaaka a lo then len chhoh zêlna kawngah thununna tiang lek ngam tûrin huaisenna a pe a. Tichuan, Abrahamama hming tihropui a lo nih tâk hnu khân amah a inphatna chu a lo lang Chiang leh zual ta zêl a ni. Eng tin nge a lo lan Chian leh zual a, eng vâng a lang Chiang leh zual nge a nih?

Pathian duhzâwng tih tuma ama duhzâwng a dah bo avângin a “fapa neih chhun” ngei pawh hâlral thilhlana hlan a tum ta a nih kha. A “thilhlana” hmasak ber hian “Pathian tâna pêk tûr a nih chuan eng mah hi hlu lua a awm lo” tih a tilang Chiang hle.—Ellen G. White Comments, *The SDA Bible Commentary*, vol. 1, p. 1094.

Abrahamama tân chuan, “Hei hi Jehova-jireh tih phuahna chhan tûr bulpui ber a ni a. He chhanchhuahna thlentîrtu Jehova khawngaihna mak leh ropui tak hrilh nawn leh fotu tûr a ni. Jehova khawngaihna a thlentîr chhanchhuahna hi a ropuiin a hmuhna hle a, beisei phâk bâka mak a ni bawk. Mihringin tih theih loh tawp nia a ngaih hi Pathian thiltihtheihna lo lan chhuah hun remchâng tha tak a ni ve thung thîn a, chu chu mi a chhanchhuahna atân chauh pawh ni lovin, a thiltum leh mi a enkawl dân min zirtîrna pawh a ni bawk.”—Nathan Stone, *Names of God* (Chicago, IL: Moody Press, 1944), pp. 62, 63.

### THEN 3-NA: NUNA BEL TÛR

**Ngaihtuah zui atân:** Doctor tha pângngâi leh doctor tha chungchuang danglamna chu dam lote mamawh an hriatsak theih dân mai bâkah, an dam lo enkawlte hming leh hmêl an hriat reng theih dânah a ni bawk. Doctor tha chungchuang tak chuan a dam lo enkawlin ruh chuktuah natna a neih chu a hriatsak mai bâkah, chu mi chuan a fa piang tîr enkawl tûra dam thuai thuai a châkzia pawh a hriatsak tel tûr a ni a. Chutiang chuan a dam

lo enkawl ruh tliak chu hriatsak ni ringawt lovin, chu dam lovin a ruh a tliah avânga a hna a chên tûr chu a veipui tel bawk tûr a ni. Hming leh a pute hi thil inzawm tlat a ni a—chu chu Isua nihna a ni.

❶ Bible-ah hian mihring hming hrang hrang leh inzawmnate kan hmu t̄euh mai a. Hmân lâi mite kha chuan mihringte hming tûr hi an puah uluk hle t̄hîn nghe nghe. Chutiang a ni tih chu hre reengin, Pathianin Abrahama tia Abrama hming a thlâksakin rilru lam leh thlarau lama awmzia a neih dân chu han sawi fiah teh. Enga ti nge Pathian hian Abrama hnênah khân ama hming awmzia a hrilh kher? A hming awmzia khân thu a thlunpui Abrama tân khân eng nge t̄angkâina a neih ang?

❷ Bible hun lâi chuan an hming an thlâk khân an dinhmun leh nihna pawh a lo danglam ve nghâl t̄hîn a. Eng tin nge hetiang hi i lo pianthar chiah khân nangmahah i thlent̄ir ve theih ang?

❸ Pathian thianghlimna hmâa kan din hlat leh hnaih thu chu amah kan hriat chian leh chian loh azirin a ni ang. Pathian thutiamte hi amah kan nêl theihna tûr a ni a. Eng tin nge keini hian kan lo chhân lêt dâwn le? Abrahama chu ram hla tak, a la hriat ngâi loh ni leh nghâlah a kal a, chutia a zin kualna lamah chuan Pathian nêna thu an lo thlun tawh khân huaisenna leh Pathian hnaihna a pe a ni. Tûn lâi huna Pathian thutiamte chu eng nge ni ve? I class member-te hnênah khân Bible-a thutiam awm i duh ber hrilh la, chu thutiam chuan thlarau lama i t̄han zêlna kawngah hlawhchhamna leh hlawhtlinna a neih t̄ir dân che i sawi chhuak bawk dâwn nia.

❹ Bible-ah hian Isua nihna hrang hrangte kan hmu tam hle mai. Hêng zînga t̄ha i tih ber leh nangmaha awmze nei ber nia i hriat chu sawi chhuak la, eng vânga t̄ha ti

ber nge i nih ziak bawk ang che. Tichuan, i class member-te hnênah pawh i sawi chhuak ve dâwn bawk nia.

- ⑤ Isua chuan i hming a hria a ni mai lo va; i ngaihtuahna zawng zawng pawhrawn hre vekin, i samzâi tla leh lo t̄uak ta nêl lam khân a hre vek bawk a ni. Hei hian i awm a tinuam lo nge ni a, him riau nia inhriatna a neiht̄ir zâwk che. Han sawi fiah teh.
- ⑥ Pathian chuan kawng hrang hrang hmangin a nihna leh nungchang mi hrilh a tum th̄in a. Chuti a nih chuan, keini tân hian Pathian nihna dik tak ni lo hi lo hriat daih theih a ni ang em? Hriat theih a nih chuan eng tin nge a dik zâwk kan hriat theih ang?
- ⑦ Genesis 17:1-ah chuan Pathian hi ‘El Shaddai tiin, emaw, Pathian Engkimtith̄eia tiin emaw sawi a ni a. Mi tu emaw chuan Pathian hi Pathian t̄ha tak leh eng kim ti thei a ni kawp thei lo tiin a sawi tlat mai a, chumi chu eng tin nge i chhân ang? Hêng a nihna pahnihte hi a inkalh em? Nge nia a inpui tawn ve ve zâwk?
- ⑧ Genesis 17:4, 5-ah chuan Pathianin Abrahama tia Abrama hming a thlâk thu kan hmu a (Abrahama tih awmzia chu “hnam tam takte pa” tihna a ni). Eng tiangin nge mi inang lo tak tak, an t̄obul hrang êm êm si-te hi Abrahama thlahte an nih vek theih le?
- ⑨ Pathian chu khawngaihnaa khat leh mi ngâidam th̄intu a nih si chuan, eng vângin nge mihringte tân a thupêkte zawm hi amah nêna thuthlung vawn nun nân a la t̄ul reng? Kan thuâwihna hi a mamawh nge ni a, keimahni hian thu kan âwih hrim hrim a ngâi zâwk? Han sawi fiah teh.